

**LAPORAN**  
**TAKLIMAT GARIS PANDUAN PENENTUAN NAMA GEOGRAFI DAN**  
**PANGKALAN DATA NAMA GEOGRAFI SERTA GAZETIR KEBANGSAAN**  
**PADA 11 DISEMBER 2007 DI BUKIT MERAH,**  
**TAIPING, PERAK**

---

**1. LATARBELAKANG**

- 1.1 Jabatan Ukur dan Pemetaan Malaysia (JUPEM) telah menganjurkan Taklimat Garis Panduan Penentuan Nama Geografi dan Pangkalan Data Nama Geografi serta Gazetir Kebangsaan pada 11 Disember 2007 di Bukit Merah Laketown Resort, Taiping, Perak.
- 1.2 Taklimat ini telah dihadiri oleh wakil-wakil dari Pihak Berkuasa Tempatan di Zon Utara (iaitu terdiri daripada Negeri Perak, Kedah dan Pulau Pinang), Jabatan Ukur dan Pemetaan Negeri Perak, Kedah dan Pulau Pinang serta wakil daripada Dewan Bahasa dan Pustaka (DBP).
- 1.3 Taklimat ini diadakan lanjutan daripada keputusan Mesyuarat Jawatankuasa Kebangsaan Nama Geografi Ke-5 yang telah diadakan pada 31 Julai 2007 di Melaka.

**2. TUJUAN**

- 2.1 Memberi pendedahan dan kefahaman kepada pihak-pihak yang terlibat berkaitan kepentingan penggunaan nama-nama geografi yang tekal dan tepat untuk mewujudkan rangkaian komunikasi yang berkesan.
- 2.2 Membantu pihak yang terlibat memahami Garis Panduan Penentuan Nama Geografi yang dihasilkan oleh Jawatankuasa Kebangsaan Nama Geografi (JKNG) sebagai panduan dalam penentuan nama-nama yang baru.

- 2.3 Memberi pendedahan mengenai pangkalan data nama geografi yang sedang dibangunkan oleh pihak Pusat Infrastruktur Data Geospasial Negara (MaCGDI).

### 3. ATURCARA

- 3.1 Aturcara taklimat ialah seperti di [Lampiran A](#).
- 3.2 Taklimat Garis Panduan Penentuan Nama Geografi telah disampaikan oleh wakil Kumpulan Kerja Garis Panduan Penentuan Nama Geografi iaitu Tn. Hj. Mazlan bin Hj. Ashaari, Ketua Penolong Pengarah Ukur, JUPEM.
- 3.3 Taklimat Pangkalan Data Nama Geografi dan Gazetir Kebangsaan telah disampaikan oleh Encik Rabiulkhair bin Mohd. Nor, Penolong Pengarah, MaCGDI.
- 3.4 Demonstrasi prototaip Web Gazetir Pangkalan Data Nama Geografi (PDNG) telah disampaikan oleh Cik Noralinawati binti Ibrahim, Penolong Pengarah, MaCGDI.
- 3.5 Semasa sesi perbincangan, peserta diberi peluang untuk mengajukan sebarang bentuk persoalan atau cadangan mengenai taklimat yang telah disampaikan oleh penceramah. Ahli-ahli panel yang terlibat semasa sesi perbincangan adalah seperti berikut:

- (i) **Encik Wan Zainuddin bin Wan Yusoff**  
Pengarah Ukur Seksyen (Penawanan Data)
- (ii) **Tuan Haji Mazlan bin Ashaári**  
Ketua Penolong Pengarah Ukur,  
Seksyen Perkhidmatan Pemetaan, JUPEM
- (iii) **Encik Rabiulkhair bin Mohd. Nor**  
Penolong Pengarah, MaCGDI

(iv) **Cik Noralinawati binti Ibrahim**

Penolong Pengarah, MaCGDI

3.6 Di antara soalan-soalan yang diajukan semasa sesi perbincangan adalah seperti di [Lampiran B.](#)

3.7 Gambar-gambar sepanjang taklimat tersebut diadakan adalah seperti di [Lampiran C.](#)

#### **4. PESERTA TAKLIMAT**

4.1 Taklimat ini disasarkan khusus kepada pegawai-pegawai yang bertugas di Pihak Berkuasa Tempatan bagi negeri-negeri yang terletak di zon utara iaitu Perak, Kedah dan Pulau Pinang.

4.2 Seramai 37 orang peserta yang hadir dan butiran terperinci mengenai kehadiran adalah seperti di [Lampiran D.](#)

#### **5. KESIMPULAN**

5.1 Taklimat yang telah diadakan telah berjaya menarik perhatian peserta terutamanya semasa sesi perbincangan. Peserta taklimat berminat untuk mengetahui dengan lebih lanjut lagi terutamanya mengenai prinsip-prinsip yang telah digariskan dalam Garis Panduan Penentuan Nama Geografi. Garis Panduan yang diterbitkan hanyalah sebagai panduan dalam urusan penamaan agar penamaan geografi pada masa akan datang adalah lebih selaras dan tidak menimbulkan sebarang masalah di kemudian hari.

5.2 Berkenaan dengan pangkalan data nama geografi yang telah dibangunkan oleh Kumpulan Kerja Pangkalan Data Nama Geografi dan Gazetir Kebangsaan, kebanyakan peserta yang hadir tidak mengetahui tugas yang perlu dilaksanakan. Merujuk daripada wakil Kumpulan Kerja, Negeri Perak, Kedah dan Pulau Pinang masih belum memberi sebarang

maklum balas berhubung CD yang telah dibekalkan kepada pihaknya untuk menyemak nama-nama geografi tersebut. Sehubungan dengan itu, wakil daripada MaCGDI akan memberikan kata laluan (*password*) kepada wakil Pihak Berkuasa Tempatan yang hadir supaya pihaknya boleh mengakses pangkalan data nama geografi dan mengemaskini nama-nama geografi yang terdapat di kawasan pentadbiran mereka.

- 5.3 Daripada apa yang telah disampaikan, adalah diharapkan agar Pihak Berkuasa Tempatan yang terlibat dapat memainkan peranan yang lebih aktif lagi dan membantu Jawatankuasa terutamanya dalam membangunkan pangkalan data nama geografi di Negeri Perak, Kedah dan Pulau Pinang. Penggunaan nama geografi secara tekal akan menyokong perkembangan sosioekonomi, selaras dengan penubuhan infrastruktur data spatial kebangsaan. Penggunaan nama geografi yang selaras juga akan dapat menyumbang ke arah pengekalan aspek sejarah dan kebudayaan sesuatu tempat.

*Urus Setia JKNG  
Januari 2008*